

SAPTUAM NI POIMOHTE 2017

01. Kumthak Ni	Jan. 01 (Nipini)
02. Nipi Skul Patni	Jan. 15 (Nipini)
03. Republic Day*	Jan. 26 (Ningani)
04. Palm Sunday	April 09 (Nipini)
05 Good Friday*	April 04 (Sintawpni)
06. Easter Sunday	April 16 (Nipini)
07. Missionary Day	May 07 (Nipini)
08. Nute Ni/Doras Day	May 17 (Nipini)
09. Pentecost Day	June 04 (Nipini)
10. Naupangte Ni	June 14 (Nipini)
11. Pate Ni	June 18 (Nipini)
12. Kipah thugenna ni June	Tualsung Saptuam sehdi
13. GBC Day	July 2 (Nipini)
14. Independence Day*	Aug. 15 (Sepnawnni)
15. Gandhi Jayanti*	Oct. 02 (Seppatni)
16. Division/ Filed Khawmp	Oct. 08 tan a joh ding
17. Tuailaite Ni	Oct. 15 (Nipini)
18. Nipi Skul kumtawp exam	Nov. 12 (Nipini)
19. Kumsim Khawmpi 69na	Dec. 7-10 (Ninga –Nipini)
20. Krishmas	Dec. 25 (Seppatni)

Chiamteh ding:

1. Astarik (*) omte a Head Office a kikhak ding. 2. IBWU Thumna ni Aug. 15 leh BWA Numeite thumna ni Nov.6 – Dorkate phasakdan a zatding ahi. 3. Nute Nipini leh Dorcas Day Nikhat a gawmkhawm ahi. 4. Missionary Day leh GBC Sunday a thohlawmt Division tawn a Hq./ Dorcas Hall a hot ding ahi.

TBSUC 2016-18 VAIPUA TE

Upa V Lianzathang	- Chairman
Upa Biakkhanmang	- Vice Chairman
Upa Khamkhansuan	- Secretary
Upa K Thangzalun	- Asst Secretary
L/Upa Jamthianmung	- Finance (Local)
L/Upa Thanghnun	- Finance (1/10)
L/Upa Nialkhanson	- Treasurer

Christmas thohlawm muh	Rs.150911
Local apan sen jah	Rs.137527
Gawm khawm	Rs.288438
24 & 25 December & 1 New Year nek khawm a seng teng	Rs.288438*
New Year nek khawm na leh inphiat te (safaiwala) piak	Rs.33600*
Hiai a tung ah, tel khin. Toupa vualzawlna dawng tak mai in, Christmas & New Year noute kithuahpih na toh sai thei in om a. Thupina Toupa I pia hi.	

Church Address : Christ Methodist Church, 1 Butler Road, Tis Hazari (Near St. Stephen Hospital), New Delhi-110054

*Central Delhi Local Pastor Address: 90-A, DDA Flat, New R-Block, Dilshad Garden, New Delhi - 110095.
(Near Jhilmil Metro Station) Phone. No. - +91 9717532608 (M) 011-22572681(R)*

Tukum Thupi::

"Diktatna a

kilamthakna"

Paunakte

14:34 .



Volume 5/No. 15 EBCC Central Delhi Publication | for private circulation Jan. 08, 2017

PRAYER POINTS

- * Kumthak Pathian dam tak a hong musak man in a tung ah kipah thu tunni.
- * Tuni Biakna Pastor khakna manpha I zat na ding un panpih ngen ni.
- * Tutung Christmas leh Kumthak lopna man pha leh nuam tak a joh theih jiakin.
- * Pastor hong pai thak ding dam leh jing chiang a hong tun theih na dingin.
- * Kalnawn Biakna Pastor thak laklут (ki khawp pihna) programme man pha jat theihna dingin.
- * Saptuam vaipua ding leh (OB) lem fel theih tak man in, kipah thu gen in amauta thumpih ding uh.
- * Saptuam mite Inlam a Christmas va jang tam pawl khawt hong tungta uh, a dangte le chi dam a hong tun nawn theih na ding un.

JANUARY 2017 USHER DINGTE

1. Mr. Moses Muansang
2. Mr. Reuben Paulianding
3. Mr. Lianmuanthang
4. John Lalmuau
5. Ms. Hnungelkim
6. Mercy Nunhoih
7. Ms. Linda Sangboi

PASTOR PAI DING HONG TUNG DING

Saptuam ittak a kemtu Pastor G. Kamzamuan dated 13.01.2017 in a sepna mun thak EBC Divisional Superintendent Singngat hon jotsan ta ding. Amah mun luah tu ding dated 09.01.2017 in Delhi hong tung ding hi. Pastor thak vaidawnna kikhawp dated 15.01.2017 in om ding hi. Toupa'n amauta a maban uh a pi jel Saptuam in dehsak mahmah hi.

TUNI BIAKNA (PASTOR KHAKNA)**PROGRAMM**

08, JANUARY 2017 SUNDAY

2:00 PM

Amun: Christ Methodist Church.

Praise and Worship : Worship Team
Thohlawm latna: Upa V. Lianzathang
Dept. Commissioning : Local Pastor
Khakna (thugen) : BYF & Missions
Special No. : Worship Team
Khakna (thugen):BCD, BDF& TBSUC
Gennop Genna hun : Pastor Nu
Thugenna : Local Pastor
Special No. : Pa Shohkholim Mate
Thupuanna

Tawpna & Vualzawlna : Local Pastor

KALNAWN BIAKNA (PASTOR THAK TOH)**PROGRAM**

15TH JANUARY 2017 SUNDAY

2:00 PM

Amun: Christ Methodist Church.

Pitu : Local Vice Chairman
Praise and Worship : Worship Team
Thohlawm latna:Upa Khamkhansuan

Special No. : BYF
Vaidawn thugen : Local Chairman
Pastor thak Laklутna.
Thugenna : Local Pastor
Special No. : Worship Team
Thupuanna

Tawpna & Vualzawlna : Local Secy.

Pastoral Ministry 2016 Report

Pastor G.Kamzamuan

Amasa in I Toupa Jesu Kris min in nang leh I saptuam mipite itna chibai kon buk hi

Toupan I thumna te hondawng in kumbul a I dinlai in, kumtawp tan bang muthei ding in damna toh honpiakai a hampha I kisa in kipahhuai mahmah hi. Hiae tan honpitu I Pathian min phat in a Kiang ah kipahthu I gen hi.

Awle, tukum sung a Pastor nasepna toh kisai anen aham in hon gelhevuk thei kei mah leng hiae anuai abang in report tomkim kon bawl hi.

1. Thugenna: (a) Tukumsung in Biakin a kikhopna Sunday 55+2 (Good Friday & Christmas) om lak ah, 31 vei thugenna hunka neitheia, adang 26 te Upa te hi'n saptuam sung mite ban ah mikhual hongzin leh Heutu hongzinte a kipan ahi. Toupan hiae bang teng hunzungthei ding a hunhoih honpia kachih chiang in hampha kakisa a, kipahna in ka dim hi. Holy Communion 4 vei kinei a, Sunday school class 6 vei ka la hi

(b) Saptuam te dehsakna tang in July leh August kha kawmtuah in Lamka lam ah inkuan in kava zinthei ua kipahhuai lua, huai hun ah saptuam mun tuamtuan singtang leh phaizang ah hunzat na kava nei thei a thugenna hun 19 veitak kava zang kha hi. Huai teng toh gawm in tukum sung a thugenna hun zat himhim 76 a pha tel hi, thupi mahmah e. Toupan thupina tang hen

2. Kivehtuah: (a) **Innveh:** Tukum sung in saptuam mite inn a kigawm in 73 ka vehsuak a, hiae hi, I saptuam inphazah chihna hilou in inkhat nihvei thumvei vehkhak leng om ding hi. Saptuam mite omkhak na teng siksuak hi'n kakishei a, theihlouhziak a sikkhak louh om ahih leh bel thutuam hi ding hi. Ka theih teng tuh siksuak ka kichi hi. Saptuam miten hon ngaina ua, hon it ua kipahhuai kasa lua hi

(b) **Damlou veh:** Saptuam sung mite hi'n inlam akipan hong ki enkol dia hong pai, in a om leh Damdawi inn a om hita leh tukum sung in damlou mi 41 vehna ka nei a, thumsakna te nei in hunka zang thei jel a kipahhuai ka sa mahmah hi. Damlou mite leng kipak thei mahmah uhi

© **Kipahna lama inveh:** Saptuam sung mite, sepnal muthak bang, Birthday bang, ahih kei leh sepnal kaisang chihte ziak bang a, amau hon chial leh chiallouh in leng kipahpihna in tukum in kipahna lam a veh inn 18 pha hi. Kipahh huai lua amau leng kipak thei mahmah uhi.

3. Counseling: Tukum sung a saptuam mite lak a, nupa kal thu bang, lawm Kingai thu ziak bang, Hotdamna thu abuai ziak bang in Counseling ding mi om zekzek akipahhuai lua, tunitan in mi 12 (nupa te 1 asim in) Kiang ah counseling kipia hi. Tampi'n leng phattuampih uh ahi chih theih ahi a, kipahhuai lua hi.

4. Thillat: Tuksung sung in saptuam mite lak ah Nau (pasal) 2 leh numei 6 latna kinei a, Inn leng 9 latna kinei a, Gari thak 8 kilan hi. Hiae bang a lat utna lungsim nei a Pathian mah chi tinten mite ziak in kipah thu I gen hi.

5. Thumsakna: Poimoh tuam bik a thumna ngaina a thumna ding a hon naih leh ken kava naih tukum sung in mi 30 om hi, thumna ngaina a thumna deih mite ziak in Pathian min I phat hi

6. A tuam tuam: (a) **Misi saptuam member:** Tukum sung in saptuam membete kuamah sihna ziak a kikhenpih omlou a theih ahi, Halleluijah, Toupa thupi hen Huailouin, Saptuam mite inkuanpihte, tanaute, inlam a si a saptuam in official hi'n Official lou hitaleh Condolence meeting neihpih khak 8 pha hi

(b) **Kiteng:** Tukum sung in saptuam mite lak a Saptuam Dan a kitenthak na nei kop khat om hi, Date 14th February in Kipahhuai lua. (MrShokholim leh Nemngaihlun)

7. Muntuam azinkhiatna: (a) Tukum in saptuamte dehsakna ziak in EBCC G. Bualjang, Songtal leh Zehang Lamka te July 22 apan 8th August tan program tuam tuam a dia chialna bang in kava zin thei ua, program nuamtak mai kavazang thei ua nuam kasa mahmah mai uhi. Huchin 11th August in Delhi kong tung kik nawn uhi. Hiae bang kizatna ding a honphal saptuam mite leh Heutute tung ah kipak mahmah in kipah thu kon gen hi.

(b) Nepal Mission Field silver Jubilee Khawmpu hun zang ding in dt 28th September, in ka nupa un ka hoh ua, Khawmpu hunsung 1-5th October teng nuamtak leh hoihtak mai a zat ahih zoh in Delhi ka hong tung nawn uhi. Hiae bang hun zangthei ding a Saptuam ten dehsakna liantak mai na honpiak ziak un kipahhuai petmah sak in a om a, kipahthu ka hon gen hi.

8. Kipahthugenna: (a) **Damlouhna vai:** Tukum 1-7th June sung teng Lal Bahadur Shatri Hospital ah Intestine Obstruction ziakin hospital ah admit in kava omkha hi. Hiae bang hun a saptuam miten non itna uleh thilpiak thupitak maina hon piakna tung uah kienkol thei ka hih man in, Saptuam te tung leh mimal mal ahong veh ahong buaipih teng teng tung ah kipahthu kon gen hi. Toupan na hoihna uh a leh tamin hon din hen chih ka thumna ahi

(b) Upa Committee ten Kumtawp Khawmpu Lian chiang in a thawn in honzinsak gige ua thupi kasa lua a, Kakipak lotel hi. Huai kia leng hilou in Shillong Biakin Honna, Nepal Mission field Silver Jubilee lopna hunte ah va kihel thei ding in saptuam in ka nupa un nahon sawl ua thupi ka sa un kakipak mahmah mai ua ka genchim thei kei uhi.

9. Piangthak: BCD lamsaina in October leh November khasung Kiginni teng Hotdamna chialpi na neih ahi Naupang Junior apan senior tante hong tel ua hiae chialpina hunsung in Naupang lli in Piangthakna ngah ua theih ahi, kipah huai lua, Toupan thupina tang hen.

Thukhitna:

Hiae Central Delhi a ka omsung in mimal tak ah damlouhna ziak in Hospital ah nihvei admit in ka om a, kongna ka neih ziak in Ayurvedic lam damdawi inn ah sathau in kava kizuutsak sek hi. Pathian in taksalam ah leng damna honpia zomjel a hatlou hehu hikai mah leng hiae mun nusia thei dia damna hon piak man in kipah thu ka gen hi. Seppih Upate, Local Committee member teng teng, na tung uah kakipak lua hi. Huailou in, Department tuamtuan a seppihte nahon makaih siam ua, nahon enkol hoih ua, koulam a chit louh na tami om te kilanglou hial ding khop in nahon omsak ua, nahon ang vanna uleh hoihtak leh nuamtak mai a nahon seppih na tung uah kipah huai sa mah mah in kipahthu ka hon gen hi. Toupan na gim na tawlna teng uh a vualjawlna tampi'n hon behlapsak hen chih ka thumna ahi

I Pathian hoihna leh chitna lamdang ka chilou thei kei. Hiae Delhi khopi a Pathian nasep thupi leh lamdang ka muhkhakte ziak in kakipakpet mah hi. Toupan a saptuam khangjl ding leh midang tampite a dia vualjawlna tuntu hiding in makaih in ompih denta hen

Hiae teng khawng ahi ding tukum sung a Report kon paik theih, Toupan thupina teng tang hen aw.